

1 Pita

Pita beleŋ asaŋ meheŋde kayyiŋ

1 ¹Be, nebe aposel Pita, Yesu Kristuyen mere basan al. Ne beleŋ deŋ alya bereya Pontus naŋa, Galesia naŋa, Kapadosia naŋa, Esia^a naŋayabe Bitinia naŋaya bana goŋ haŋ mar kura Al Kurun beleŋ basaŋa dirtiŋ hitte asaŋ gago kaŋ hime. Deŋbe naŋatiŋ wor po yubul teŋ kun albak yara hitiŋ haŋ. ²Deŋbe Adoniniŋ Al Kurun beleŋ po nere henayiŋ yeŋ nurde bikkeŋ basaŋa diriŋ, irde Holi Spirit beleŋ Al Kurun diliŋde al wukkek wor po diriŋ. Go diriŋ gobe kame Yesu Kristuyen mere gama irke darim beleŋ po mata bulunŋtiŋ halde wukkek diriŋ goke teŋ gogo basaŋa dirde wukkek diriŋ.

Niŋgeb Al Kurun beleŋ buniŋeŋ dirde igiŋ igiŋ dirde bitiŋ yisikamke igiŋ heŋ heŋ gobe deŋ hitte kurun wor po hiwon yeŋ gusunan irde hime.

Al Kurunya hugiŋeŋ heŋ heŋ mata niŋ doyan heŋ hityen

³⁻⁴Be, Al Kurunbe buniŋeŋ wor po dirdeb neŋ gayen yingeneŋ diliŋde al gergeŋ diriŋ. Gwahade geb Yesu Kristu kamtiŋde mat huwariŋ go nurdeb neŋ wor kame gwahade titek yeŋ doyan heŋ hityen gobe hubu ma hiyyeŋ. Irde kame Al Kurunyeŋ det kurun gote miŋ mar hetek hite. Be, Al Kurunyeŋ det kame nende henayiŋ gobe epte ma bulun henayiŋ, bida ma henayiŋ, irde hubu ma henayiŋ. Det gobe kame neŋ dunen yeŋ Al Kurun beleŋ gasunmiŋde yerde doyan yirde hi. Goke Doyan Al Kurunniŋ Yesu Kristuyen Naniŋ Al Kurunbe turun wor po irde hitek. ⁵Deŋbe yeŋ ge dufaytiŋ saŋiŋ iramiŋ geb, al bulun beleŋ bulun dird dird belneŋ goyen Al Kurun beleŋ tareŋmiŋde pet teŋ hi. Irde dumulgan tiyeŋ yeŋ nurde hi. Dumulgan tiyeŋ yeŋ nurde hiyeŋ gobe nalu funanŋde gab kawan po forok yiyyeŋ.

⁶Niŋgeb goke teŋbe amanen wor po nurde haŋ. Gayenterbe kanduk kurayen kurayen yeneŋ haŋ gega, goke ma nurde aman heŋ haŋ.

^a **1:1** Esia naŋa gobe gayenter niŋ Esia naŋa kurun goke ma yitiŋ. Gayenterbe Turki inen hanŋen.

Goyenpoga kanduk gobe ulyande ma hinayin. ⁷Kanduk gobe den beleŋ Yesu Kristu niŋ dufaytin tareŋ irtin goyen fudinde wor po ma dahade goyen kawan heŋ heŋ niŋ forok yeŋ hanŋyen. Be, gol hora fudinde wor po teŋ teŋ niŋbe kakde kumba teŋ hanŋyen. Gega gol fudinde wor po go manan kamebe hubu hiyyen geb, Al Kurun dilingde det kurun mon. Goyenpoga Yesu niŋ dufaytin sanin ird ird gobe kanduk yeneŋ gab tareŋ hiyyenbe Al Kurun dilingde det kurun wor po, gol fudinde gote folek. Niŋgeb dufaytin tareŋ goyen igin wor po ird ird niŋbe ultinde kanduk kurayen kurayen gogo forok yeŋ hanŋyen. Irkeb gwahade heŋ kun kun kame Yesu Kristuyen alya bereya megen han mar kurun gayen hitte forok yeŋ yeŋ nalureb turun dirde dentin turun yan dirde isoka diryen. ⁸Denbe Yesu ma kenamin gega, yeŋ ge amanen wor po nurd unen hanŋyen. Gayenter wor go ma kenen han gega, yeŋ ge dufaytin sanin irdeb goke amanen wor po nurde han. Amanen nurde han gobe kurun wor po geb, epte ma gwahade kura yeŋ tagalnayin. ⁹Gobe dufaytin yeŋ ge tareŋ irtin gote murungem tetek yeŋ nurdeb gogo aman wor po heŋ han. Dufaytin yeŋ ge tareŋ irtin gote murungembe Al Kurun beleŋ dumulgan tiyyen gogo.

¹⁰Be, Al Kurun beleŋ alya bereya yumulgan teŋ teŋ gobe daha mat kura forok yiyyen yeŋ mere basan marmin porofet beleŋ goke ug po dufay heŋ sari kerde hinhan. Mel gobe Al Kurun beleŋ buninen dirde igin igin dird dird goyen den hitte forok yeŋ yeŋ goke tagalde hinhan. Irkeb wan wan nende nalure gago forok yirin. ¹¹Irde Yesu Kristu kanduk bana heŋ gab denem turun yan hiyyen goyen Yesu Kristuyen Holi Spirit beleŋ mel go bana heŋ momon yirde hinhin geb, mata gobe daha nana forok yiyyen irde daha mat forok yiyyen yeŋ nankenen hinhan. ¹²Mel gobe mata goyen goke tagalde hinhan gega, mata gobe yeŋ hinhanya goyenter forok yeŋ yeŋ ge mon, kame kame den hitte forok yiyyen yeŋ Al Kurun beleŋ yinyin. Niŋgeb go mata gobe gayenter Yesu niŋ yitin mere igin goyen tagal tagal mar beleŋ Holi Spirit Al Kurun hitte mat watin gote saninde saba dirde hike nurde hanŋyen go goyen. Al Kurunyen miyon wor mata kurun goyen daha mat forok yiyyen goyen kentewon yeŋ nurde han.

Al Kurun dilingde wukkek hinayin yeŋ hoy diryin

¹³Niŋgeb mata igin teŋ teŋ ge huginen dufaytin gitik irde ep irde ga hinayin. Irde ultinde po aman hetek dufay fole irde hinayin. Irde kame Yesu Kristu wayyen goyenter buninen dirde igin igin diryen goyen goke po doyan heŋ hinayin. ¹⁴Denbe Al Kurunyen dirnen wen hitin han geb, meremin gama irtek po han. Niŋgeb bikken Yesu ma nurd unen hinhanya dufay bulun bitin bana forok yeke go po gama irde hinhan mata goyen yubul po tinayin. ¹⁵Irde den hoy diryin al gobe wukkek wor po geb, mata

tenj hinayinj kurunj gobe dilinde mata wukkek po tenj hinayinj. ¹⁶Gobe Al Kurunyen asande, “Nebe wukkek hime geb, denj wor wukkek henj hinayinj,” yitij hi geb, gago mata wukkek tenj hinayinj dinenj hime.

¹⁷Be, Adoninij Al Kurunbe al megen hanj kurunj gare mata dahade titinj goyen murungem wor gwahade po yunenj hiyen. Al kurabe iginj yirde, munanj kurabe bulunj yirde ma tenj hiyen. Denjbe Al Kurunj gwahade goyen doloj irde mere irde hanj geb, megen garbe albak yara belnenj po hite yenj nurde henja Al Kurunj palap irde kafura irde henj ga hinayinj.

¹⁸Asetinj yago megen gar henjyabe mata minj minmonj tenj hinhan. Irde mata gobe basanj basanj wanj wanj denj wor goyen po tenj hinhan. Goyenbe bana gonj mat dad sina diryinj albe Al Kurunj yenj nurde hanj geb, gago palap irde kafura irdeya ga hinayinj dinenj hime. Fudinde, denjbe henj hentinj minj minmonde mat dumulganj tiyyinj al Al Kurunbe gol horaya silwa horaya huginenj hitek monj gote tarende ma dumulganj tiyyinj.

¹⁹Gwaha titnenjbe Yesu Kristu Al Kurunyen sipsip al dirinj dirnenj ulinde merem monj irde mata bulunj minmonj gote darim wok irde kamyinj go hende huwarde dumulganj tiyyinj. Ningeb dariminj wok irde kamyinj gobe det kurunj wor po yenj nurde hityen. ²⁰Yesu Kristube nanjkinja megenja ma forok yekeya bikkenj Al Kurunj belen metenj goke basija iryinj. Goke tenjbe nalu funanj belen henj hi gayenter gayen denj ge tenjbe Yesu go tenj kerke megen gar katenj kawan forok yirinj. ²¹Ningeb Yesu hitte matbe Al Kurunj ninj dufaytinj tarej irde hanj. Al Kurunbe Yesu kamyinde mat isanj hirinj irde denjem turnunj yanj iryinj goyen fudinde yenj nurde dufaytinj sanj irde hanj. Denjbe gwaha mat Al Kurunj ninj hekkenj nurdeb kame yenj belen iginj iginj diryenj goke doyanj henj hanj.

²²Be, denjbe Al Kurunyen mere fudinde po gama irde dindikenj Al Kurunj dilinde wukkek irde hanjen geb, bitinde mat fudinde wor po kadtinj ge amanej nurd yuntek hanj. Ningeb bitinde mat wor po dindikenj ulinj kadom amanej nurd gunenj tenj hinayinj. ²³Gobe Al Kurunyen mere gwahader hitinj hubu ma hiyyenj gote tarende denj goyen yingenj dilinde sopte kawan henj al gergen hitinj yara hanj geb, gago dinenj hime. Al Kurunyen mere gobe bingey muykenj yara, goyenpoga bida henj bulunj hetek monj, huginenj hitek gore denj bana metenj tikeb gogo Al Kurunj dilinde al gergen haminj. ²⁴Be, gwahade haminj goke Al Kurunyen asandebe gahade katinj hi:

“Megen ninj mar kurunj gabe gunguwi algup nen hanjen yara.

Irde denjem turnunj yanj gobe det fugala wok yenj katenj hanjen go gwahade tenj hanjen.

²⁵Gega Doyanj Al Kurunyen merebe huginenj gwahader hiyen,” yitij hi.

Aisaia 40:6-8

Be, Al Kurunyen mere gobe Yesu ninj yitij mere iginj nenj belen denj hitte tagalde hinhet go goyen.

2 ¹Ningeb dufay buluj kurayen kurayenya usi mereya gobe tumjan yubul po tinayin. Mata iginbe hende hendem po ma ten hinayin, kadtiñ igin mat hike yenenbe daniñ neñ gwahade moñ yeñ bearar ma ten hinayin. Irde mere buluj mat kurayen kurayen ma ten hinayin. ²Dirin besare niñ beleñ mamu niñ nurde hanjen gwahade goyen po, hugineñ Al Kurunjen mere nurtek po dirde hiyen. Gogab mata gwahade tenbe tareñ heñ Al Kurun beleñ dumulgan titiñ bana goñ po heñbe Yesu gama ird ird matare parguwak yara henayin. ³Denbe Doyan Al Kurunbe igin wor po goyen dindiken keneñ bebak titiñ han geb, mata gwahade ten hinayin.

Yesube hugineñ heñ heñ Hora

⁴Be, Yesu Kristube gwahader hitiñ Hora geb, dufaymiñ hoyan hoyan ma irde hugineñ sanin dirde hiyen. Yenbe al beleñ igin ma nurd unenbe pel iramiñ gega, Al Kurun beleñ tenbe meten igin wor po unyin. Den wor yeñ hitte wanbe ⁵yeñ yara hugineñ hitek hora hitinyen han. Irkeb Holi Spirityen tarende Al Kurun beleñ gabu dirde yingen hitek ya irde hi. Irdeb Al Kurun doloñ ird ird mata doyan mar wukkek wor po dirkeb Holi Spirityen tarende dindiken Al Kurun galak irke aman hetek det yara heñ galak irkeb Al Kurun beleñ amaneñ nurde hi. Gwaha ten hanjen gobe Yesu Kristu beleñ faran durde hikeb gwaha ten hanjen. ⁶Goke tenbe Al Kurunjen asande gahade katin hi:

“Ga nurnan.

Ne beleñ Saion^b bana goñ hora kura kereñ.

Hora gobe tola kahalte niñ yara, bikken basina irde delner igin wor po irmirin.

Ningeb al kura yeñ ge hekken nuryenbe epte ma memya hetek hinayin,” yitin hi.

Aisaia 28:16; Efesus 2:20

⁷Ningeb den hora goke dufaytin sanin irtin marbe hora goyen igin wor po yeñ keneñ han. Goyenpoga yeñ ge dufaymiñ tareñ ma irde han marbe igin yeñ ma keneñ han. Goke Al Kurunjen asande gahade katin hi:

“Ya yird yird mar beleñ igin moñ yeñ nurde pel iramiñ hora goyen al hoyan beleñ ten go hende ya tareñ wor po iryin,” yitin hi. *Tikin 118:22*

⁸Irde,

“Hora kura al beleñ kukuhuk yurde yakten gasa yiryen.

Hora kurun kura gore yirke al yakten gasa yiryen,” yitin hi.

Aisaia 8:14-15.

Ningeb yitin gwahade po mel gobe Yesuyen mere ma gama irdeb gogo yakten gasa yirde hiyen. Mel go gwaha ten hanjen gobe Al Kurun beleñ gwahade po ten hinayin yeñ bikken dufay kiryin goyen po gama irde hanjen.

^b 2:6 Denjem kurabe Yerusalem taun.

⁹Goyenpoga denbe Al Kurun belem basina diriyin. Doyan Al Kurunyen mere po gama irde Al Kurun doloŋ ird ird mata doyan mar pris denem yan wor po hitin han. Irde Al Kurun diliŋde wukkek hitin han. Gobe Al Kurun belem mata bulunyen kidoma bana mat hoy dirde dadeb matamin hulsu yara wukkek wor po goyen bana diriyin mata turun yan goke tagalnayin yenbe gogo basina diriyin. ¹⁰Bikkenbe den goyen yende alya bereya ma hinhan. Gega gayenterbe yende alya bereya hitin han. Bikkenbe Al Kurunyen buninjen dufay bana ma hinhan gega, gayenterbe Al Kurunyen buninjen dufay bana han.

¹¹Be, kadne yago, denbe megen garbe al min hoyan nana hoyande mat watin yara han. Ningeb gago sanin po mere dirde hime: mata bulun titek dufay bulunbe mata igin titek dufaytin goya huginjen arde haryen geb, dufay bulun gobe pel po irde hinayin. ¹²Irde den han nana bana gon Al Kurun ma nurde unen han mar diliŋde mata igin po ten hinayin. Gogab matatin igin goyen yenenbe kun kun kame nalu funande Al Kurun wakeb den ge ten Al Kurun denem turun yan irnayin. Han kapyabe matatin goke kenkela bebak ma tenbe, “Mata bulun ten han,” dinen merem yan dirde hinayin gega, kamebe bebak tinayin.

Yesuyen alya bereyat mata igin

¹³Be, Doyan Al Kuruntin ge tenbe han bana gon nin doyan mar yirtin kurun gote mere nurde hinayin. Irde nana kurun doyan irde hiyen al denem yan wor po gote mere nurde hinayin. ¹⁴Irde gote meten mar denem yan gote mere wor nurde gama irde hinayin. Go mar gobe mata bulun ten han mar gote murungem bulun yunen hinayin, irde mata igin ten hinayin marbe igin igin yirde hinayin yen doyan almin belem hulyan yiriyin geb, meremin nurde hinayin. ¹⁵Al Kurunyen dufaybe al kura dufaymin kukuwamnen mar belem matatin igin goyen yenenbe kenkela ma nurde mali mere ten han yen mata goyen bada po henayin yen nurde hi geb, gago doyan martinde mere nurde hinayin dinen hime. ¹⁶Denbe Al Kurunyen dirnen wen geb, dufaytinde dahade kura nurdeb igin ala ten hinayin. Gega, “Nenbe igin ala titek,” yen nurdeb mata bulun wor igin ala titek yen ma nurde hinayin. Gwaha titnenbe Al Kurunyen yufukde po hen meremin po gama irde han yen mar henayin. ¹⁷Irde al hoyan tumnan palap yirde hinayin. Kadtin Yesuyen alya bereya nin amanen nurd yunen hinayin. Al Kurun palap irde kafura irde hinayin. Irde nana kurun gate doyan al, gabmanyen doyan al kurun palap irde hinayin.

¹⁸Be, den meten marbe doyan martin yufuk bana hen palap yirde hinayin. Doyan martin kurabe igin igin dirde den ge nurde han yen, munan kurabe bulun bulun dirde han yen goyenbe tumnande palap yirde hinayin. ¹⁹Fudinde, den belem Al Kurun nin dufay hen mata ten hike goke doyan martin belem bulun bulun dirke kanduk bana hinayinbe den

belən tetek kanduk mon gega, kanduk go ten hinayin geb, Al Kurun belən goke guram dirde tarej diryen. ²⁰Gega mata bulun ten hike goke bulun bulun dirke kanduk bana hinayinbe Al Kurun belən igin gote murungem dunyen? Hubu wor po! Gobe kanduk bana hitek po hinayin. Goyenpoga mata huwak ten henya kanduk yenen hinayin gega, mukku ma ten goya goya tarej hen hinayinbe Al Kurun belən goke ten guram dirde sanjin diryen.

²¹Be, Yesu Kristu wor den ge ten ulin misin katiyin goyen den wor matamin gama irde igin kanduk bana hinayin yenbe gogo mata goyen dikala diryin. Ningeb den goyen mata igin ten henya kanduk bana hen hen gobe Al Kurun belən goke hoy diryin geb, gogo kanduk bana hanjen.

²²Fudinde, yenbe mata bulun kura ma titin,

irde mohonde mat usi ma ten hinhin.

Aisaia 53:9

²³Yesu Kristu bulun bulun iramin mar belən nanyan bulun wor po iramin gega, wol ma hiri. Irde bulun bulun irke kanduk kinyin gega, kame wol hen bulun gwaha gwaha diren ma yinyin. Gwaha titnenbe mata iginya bulunya huwak mat yinen yinen al Al Kurun haniinde po kandukmin goyen kiryin. ²⁴Yenbe nende mata bulun halde pasi ire yenbe yingen ulinde mata bulun goyen yadeb kuruse hende kami. Go tiyyin gobe nen gayen mata bulun goyen yubul po ten mata huwak po ten hinayin yenbe gogo tiyyin. Denbe ulinde dagim yan irtinde gor matbe sope dirke igin haminyen han. ²⁵Fudinde, bikken denbe sipsip kura doyan al minmon, gor kura kun hite yen ma nurde kun hitin yara kukuwamnen hinhan. Gega gayenterbe Sipsip Doyan Altin hitte mulgan hitinyen han. Den goyen kenkela doyan dird dird albe yen gogo po.

Ire unya igin hen hen mata

3 ¹Be, Yesu Kristu belən mata tiyyin gwahade po, den bere almetin minyanbe almetin yagot yufukde po hinayin. Gogab bere kura un goyen Al Kurunyen mere ma nurtin goreb bere gote mata igin go kenenbe Al Kurun hitte wayyen. ²Den bere belən mata wukkek ten palap yirtek mata po ten hinayinbe almetin yagob matatin go yenenbe Al Kurun hitte wanayin. ³Den goyen ultin umna sinare nin ten hinayin gore ma bulaknen diryen. Tonantin umna yirde kalyayya kalyuyya damum hende wor po gore umna ten amil manan damum hende wor po hor yirde hinayin gore epte ma bulaknen dirnayin. ⁴Gwahade yarab bulak matatinbe bitin bana mat forok yiyyen. Gobe bitin kamke bekende mere ten, balmin hen hen mata go goyen. Mata gwahade gobe hubu ma henayin, irde Al Kurun belən det kurun wor po yen yenen hiyen. ⁵Bikken bere kura Al Kurun dilinde wukkek hinhan berebe Al Kurun belən igin igin yirtek goke doyan henya Al Kurun dilinde mata igin hoyan yenenmin igin mun goyen ten hinhan. Bere buda gobe un yagot yufukde

po heŋ meremiŋ gama irde hinhan. ⁶Bere gobe Abraham berem Sara mata teŋ hinhin gwahade teŋ hinhan. Sarabe uŋ Abrahamyen mere gama irde uŋ goyen doyaŋ alne ineŋ hinhin. Niŋgeb deŋ beleŋ mata huwak po teŋ kanduk keneŋ keneŋ niŋ kafura ma heŋ hinayiŋbe deŋbe Sara wiriŋ yago heŋ hinayiŋ.

⁷Be, deŋ al bertiŋ yaŋ wor gwahade goyen po, bertiŋ yagoya heŋ heŋ belneŋ igiŋbe gogo yeŋ nurdeya ga hinayiŋ. Irde bertiŋ yagobe tareŋ wor po moŋ yeŋ nurdeya ga doyaŋ yirde hinayiŋ. Al Kurunbe deŋ alya bertiŋya tumŋaŋ buniŋeŋ dirde igiŋ igiŋ dirde yeŋya hugineŋ heŋ heŋ goyen damum moŋ duliŋ duntek haŋ geb, bertiŋ yago palap yirde hinayiŋ. Moŋgo bertiŋ yagoya igiŋ ma hinayiŋbe Al Kurunya mere teŋ teŋ matatiŋ goyen pet teŋ dunen hiyeŋ.

Al hoyaŋ igiŋ igiŋ yirde hinayiŋ

⁸Be, mere dirhem kurun gate miŋbe gahade: deŋbe dindikeŋ uliŋ awalikde hinayiŋ, kadom buniŋeŋ gird teŋ hinayiŋ. Irde deŋ haŋ bana goyen kamay itiŋyat mata teŋ kadom amaneŋ nurd gunen teŋ hinayiŋ. Irde kadom igiŋ igiŋ gird teŋbe neŋ harhet harhet mata ma teŋ hinayiŋ. ⁹Irde al kura buluŋ dirke goyen wol heŋ buluŋ yird yird niŋ ma nurde hinayiŋ. Nanyaŋ dirke wolmineŋ nanyaŋ ma yirde hinayiŋ. Gwaha titneŋbe Al Kurunyen tareŋde guram yirde saŋiŋ yirde hinayiŋ. Deŋbe Al Kurun beleŋ gwaha teŋ hinayiŋ yeŋ hoy diriŋ geb, gwaha teŋ hinayiŋ. Gogab kame Al Kurun beleŋ guram dirde tareŋ diriŋeŋ. ¹⁰Goke teŋbe Al Kurunyen asaŋde gahade katiŋ hi:

“Al kura keperd keperdne igiŋ hewoŋ, irde heŋ heŋ nalune wor igiŋ ala po himewoŋ yeŋ nurde hi kenem mere buluŋ ma teŋ hiyeŋ. Irde usi mere ma teŋ hiyeŋ.

¹¹Yeŋbe mata buluŋ yubul teŋbe mata igiŋ po teŋ hiyeŋ.

Irde biŋ kamke al hoyanya awalikde heŋ heŋ belneŋ niŋ nankenen mata goyen teŋ teŋ niŋ kurut wor po yeŋ hiyeŋ.

¹²Gobe Doyaŋ Al Kurun beleŋ al huwak po doyaŋ yirde hiyeŋ, irde gusuŋaŋmiŋ palŋa irde wol heŋ hiyeŋ geb, gago dineŋ hime.

Gega Doyaŋ Al Kurunbe mata buluŋ teŋ haŋ mar goyen asogo yirde hiyeŋ,” yitiŋ hi.

Tikiŋ 34:12-16

¹³Be, deŋ beleŋ mata igiŋ teŋ teŋ niŋ kurut yeŋ hinayiŋbe ganuŋ al beleŋ buluŋ diriŋeŋ? Hubu wor po! ¹⁴Goyenbe deŋ beleŋ mata huwak teŋ hike al kura beleŋ buluŋ dirnayaŋ gobe Al Kurun beleŋ guram dirde tareŋ dird dird niŋgeb, gogo forok yihi yeŋ nurde hinayiŋ. Niŋgeb al beleŋ buluŋ dird dird niŋ kafura ma heŋ hinayiŋ, irde kandukneŋ ma nurde hinayiŋ. ¹⁵Irde bitiŋde mat wor po Yesu Kristube Doyaŋ Al Kurun yeŋ palap irde hinayiŋ. Irde kame Al Kurun beleŋ igiŋ diriŋeŋ goke deŋ beleŋ doyaŋ heŋ hanŋyen goyen goke al beleŋ daniŋ gwaha teŋ haŋ dineŋ

gusunaj dirkeb min momon yird yird nin huginen gitik ten ga hinayin. Irde wol hen momon yirde henyabe bekkende igin mat mere yirde palap dirtek mata mat mere yirde hinayin. ¹⁶Irde Al Kurun diliinde bitin wukkek wor po irde hinayin. Gogab Yesu Kristuya hen meten igin ten hinayin goke bulun mat tagal dunen hinayin mar belen matatin yenenbe mere bulun mat dirde hinayin goke memya henayin. ¹⁷Ningeb mata igin ten kanduk yenen hinayin gobe Al Kurunyen dufay kenem igin. Gega mata bulun ten gote kanduk bana hinayin gobe igin mon. ¹⁸Gobe Yesu Kristu wor mata buluninin ge ten wawun unkurende po kamyin geb gago dinen hime. Yen al huwak belen nen al huwak mon gayen gake ten kamyin gobe den goyen Al Kurun hitte duken yenbe gogo kamyin. Yenbe mayke kamyin gega, tonenbe ma kamyin. ¹⁹Irdeb al kamtin tonen koya bana hanjen gasunde gor kun Al Kurunyen mere tagalyin. ²⁰Al kamtin tonen koya bana han gobe bikken wor po Noa hinhin goyenter hinhan mar gote tonen. Mel gobe mata bulun yubul ten ten ge Al Kurun belen ulyande po doyan henya pinen ma nurde hinhin. Noa belen hakwa kurun irde hikeya doyan hen hinhin gega, mel gobe meremin gama ma irde hinhan. Ningeb hakwa go pasi irkeb megen ga fe ala kurun heke al tumnan kamamin. Goyenbe fe go hende hakwa bana hinhan albe 8 go mun po gab ma kamamin. ²¹Be, fe ala hiri gobe gayenter fe baptais ten hanjen gote tunanen. Ningeb fe baptais taminde gor matbe dumulgan tiyyinyen han. Baptais tamin gobe dulin ultin sope ird ird nin ma tamin. Go tamin gobe Al Kurun diliinde binininde wukkek po hitek yen Al Kurun hitte bin tiyaminbe gogo. Ningeb bitinde wukkek po hinayin yenbe gogo Al Kurun belen Yesu Kristu kamyinde mat isan hiri. ²²Yesu Kristu gobe kamyinde mat huwarde Al Kurunyen gasunde hurkurin. Irde al denem yan wor po hen Al Kurun hani yase belen mat hi. Irkeb Al Kurunyen miyonya det banare ninya kawan ninya sanin minyan kurayen kurayen goyen yende yufukde po han.

Mata bulunbe yubul po titek

4 ¹Ningeb Yesu Kristu belen ulin misin katen kanduk kinyin gwahade po, den manan taren po hen matamin gama irtek dufay goyen kerde hinayin. Gobe al kura ulin misin katyenbe mata bulun titek dufay ma forok yiyyen geb gago dinen hime. ²Ningeb gayenter mat megen gar henyabe Al Kurunyen dufay po gama irde hinayin. Megen nin dufay bulun gama ma irde hinayin. ³Denbe bikken Al Kurun ma nurd unen hitin mar belen ten hanjen mata goyen ulyande po ten hinhan. Denbe mata gahade ten hinhan: lelep mata, ultinde hapek yan nurtek mata, kukuwa fe nen nen nin gabu hen hen mata, irde bana gon fe nene kukuwa hen mata bulun mali mali ten ten mata, irde ungura dolon yird yird mata mormok goyen ten hinhan. ⁴Gega gayenterbe mel

gore ten han mata goyen gama ma irde hike denenbe hurkunat ten kukuwamnen nurde hanjen. Irdeb goke igin ma nurde ultinde mere bulun kurayen kurayen dirde hanjen. ⁵Goyenpoga kame mel gobe al dilin gergen hitinya kamtinya gote matamin iginya bulunya yinyen al Al Kurun dilinde huwarde gwaha gwaha ten hityen yen tagalnayin. ⁶Goke tenbe Yesu nin yitin mere igin gobe al kamtin goyen kamdem monde momon yirke nuramin. Gogab mata bulun bikken titin goke ten ulindebe kamnayin gega, Al Kurunbe hi gwahade goyen po tonenbe yenna huginen hinayin.

Holi Spirityen taren forok yen yen matabe kenkela ten hinayin

⁷Be, det kurun gayen hubu hen hen nalube binde hen hi. Ningeb kenkela dufay henbe ultinde po aman hetek dufay goyen fole irde hinayin. Gogab igin Al Kurun mere irde hinayin. ⁸Irde mata ten hinayin kurun gote folek wor pobe kadtin ge amanen nurd nurd mata gogo geb, mata goyen ten hinayin. Kadtin ge amanen nurd yunen hinayinbe Al Kurun bele mata buluntin budam goyen igin halde dunyen. ⁹Irde al den hitte wanayin mar goke bulunen ma nurde yunenbe gargar yirde hinayin. ¹⁰Irde al hoyan faran yurd yurd nin ten Holi Spirityen sanin kawan forok yen yen mata Al Kurun bele murungem mon dulin duntin goyen kenkela tanarde meten ten hinayin. Irdeb Al Kurun bele buninen dirde igin igin dirde Holi Spirityen taren forok yen yen mata kurayen kurayen goyen bitinde mat fudinde wor po yanarde kenkela meten ten hinayin. ¹¹Ningeb al kura saba tagal tagal taren titin kenem al gobe Al Kurunyen mere kenkela po tagalde hiyen. Irde al kura al hoyan faran yurd yurd sanin titin kenem al gobe Al Kurun bele unyen taren gore po faran yurde hiyen. Gogab mata ten hinayin kurun gobe Yesu Kristu hitte mat Al Kurun denem turun yan hiyyen. Fudinde, yen po ga huginen denem turun yan hiyyen, irde tarenminbe gwahader hiyen. Fudinde wor po.

Yesuyen alya bereya henbe kanduk bana hinayin

¹²Be, kadne yago, den hitte kanduk kurun forok yeke ultin misin katen han goyen goke hurkunat ma tinayin. “Kanduk gabe nen hitte forok yetek mon goyen forok yen han,” yen goke kukuwamnen ma nurde hinayin. ¹³Gwaha titnenbe Yesu Kristu bele kanduk kinyin goyen nen wor kenen hite yen nurdeb goke aman hen hinayin. Gogab saninmin turun yan wor po goyen kawan forok yiyyen natureb den wor amanen wor po nurnayin. ¹⁴Yesu Kristu nurd unen han goke ten al bele nanyan dirkeb goke aman hen hinayin. Al Kurunyen Holi Spirit tarenmin turun yan wor po gore den kanduk kenen han mar hitte hi geb, aman hen hinayin. ¹⁵Munan al gasa yirke kamde, kawe ten, mata bulun hoyan kura ten, irde al hoyande meten bulun yirde gote kanduk yennayinbe igin

monj geb, kenkela henj ga hinayinj. ¹⁶Goyenpoga Yesu Kristu gama irde henja kanduk yenenj hinayinjbe goke memya ma henj hinayinj. Gwaha titjenjbe Yesuyen alya bereya haminj goke tej Al Kurunj turunj irde hinayinj. ¹⁷Gobe Al Kurunj belej aljen mata gote murungem yunenj yunenj goyen dirnenj wenj hitte wa forok irtek nalu hihi geb gago dinenj hime. Ningeb Al Kurunj belej dirnenj wenj mata gwahade gwahade yinenj gote murungem yunenjbe Al Kurunjen mere Yesu ninj yitij goyen ma gama irde hanj marte mataminj gote murungembe dahade yunenj? Bulunj wor po yunenj! ¹⁸Ningeb goke tejbe Al Kurunjen asandje gahade katinj hi:

“Al huwak yinenj hanj mar wor Al Kurunjen bearar goyen fole ird irdbe metenjenj.

Munanj Al Kurunj ninj ma nurde mata bulunj tej hanj marbe daha wor wor tinayinj? Bulunj wor po geb,” yitij. *Mata Iginj 11:31*

¹⁹Ningeb Al Kurunjen dufay gama irde kanduk bana hanj marbe henj henjinj kurunj goyen megenja nanjinja irde det kurunj gayen yirijnj al Al Kurunjen haninde po yerde mata iginj po tej hinayinj. Al Kurunjbe bija tiyyinj goyen po gama irde faranj durde hiyen.

Al salanjenja fonjenyat mata

5 ¹Be, nebe Yesu Kristu ulinj misinj katinj goyen delner kinmirinj. Irde kame sopte tarejminj turunj yanj goya wayyenj nalureb ne wor sanjinj turunj yanj go bana henj. Ne wor denj Yesuyen alya bereyat doyanj mar parguwak gwahade goyen po geb, Yesuyen alya bereyat doyanj mar parguwak gote mata ninj dinenj tihim. ²Be, Yesuyen alya bereya Al Kurunjen sipsip denj yufuktinj bana hanj goyen kenkela doyanj yirde hinayinj. Mel goyen doyanj marte matare faranj yurde hinayinj. Gwaha tej henjyabe pinenj hende ma metenj tej hinayinj. Wilaknenj nurdeya faranj yurde hinayinj. Go tej hinayinj gobe Al kurunj belej gwaha tej hiwonj yenj nurde hi matabe gogo. Irde metenj go tej henjyabe hora tej tej ninj ma nurdeb dulinj faranj po yurtek yenj nurdeya ga metenj tej hinayinj. ³Irde denj yufuktinj bana hanj mar goyen megen ninj doyanj mar belej kanduk kurunj al yunenj hanjen gwahade ma yirde hinayinj. Gwaha yirtinenjbe Al Kurunjen sipsip gore denenj gama dirtek mata iginj po tej hinayinj. ⁴Irkeb kame sipsip doyanj marte kurunjinj Yesu Kristu wanje metenjinj gote murungem tarejminj turunj yanj wor po goyen dunyenj. Murungem gobe go ma hubu hiyyenj, gwahader hiyenj.

⁵Be, gwahade goyen po denj al fonjenbe al parguwak denj folek gote mere nurde hinayinj. Irde denj tumnanj nenj nurhet nurhet mata ma tej kadom palap girde tej hinayinj. Gokeb Al Kurunjen asandje gahade katinj hi:

“Al Kurunjbe al kura yingenj ge turunj turunj tej hanj mar goyen asogo yirde hiyen.

Gega gwaha ma ten han marbe buniŋen yirde iŋi iŋi yirde hiyen,”
yitiŋ. *Mata Igiŋ 3:34*

⁶Niŋgeb Al Kurun beŋen tareŋmiŋde doyan dirde hikeya neŋ nurhet nurhet ma ten hinayiŋ. Mata gwahade ma ten hinayiŋbe kame nalu kura forok yekeb denŋiŋ isan hiyyeŋ. ⁷Irde yeŋbe keŋkela doyan dirde hi geb, kanduktiŋ kurun gobe yeŋ haniŋde po yerde hinayiŋ.

⁸Be, laion beŋen det yiŋeŋ nen nen niŋ nanŋkeneŋ kun hiyen gwahade goyen po, asogotiŋ Satan beŋen bulun dird dird beŋen niŋ hugiŋeŋ nanŋkeneŋ hiyen. Niŋgeb ulŋiŋde po aman hetek mata ten ten dufay fole irdeb keŋkela heŋ hinayiŋ. ⁹Kadtiŋ hoyan Yesuyen alya bereya megen gar hike kwa kurun goyen wor kanduk den yeŋeŋ hanŋen gwahade goyen bana po han geb, Yesu niŋ dufaytiŋ saŋiŋ irtiŋ go hende saŋiŋ po huwarde Ungura Satan goyen asogo irde takira ten hinayiŋ. ¹⁰Irdeb den goyen buniŋen wor po dirde iŋi iŋi dirde hiyen al Al Kurun yingeŋ kanduk bana mat dade sope dirde tareŋ dirdeb saŋiŋ henayiŋ. Al Kurunbe Yesu Kristu niŋ tenbe tareŋmiŋ turun yan gwahader hitiŋ bana goŋ hinayiŋ yeŋ hoy diriŋ. Goyenbe aran ma dade saŋiŋ diriŋ. Den goyen kanduk bana mun kura hike gab gwaha diriŋ. ¹¹Niŋgeb tareŋmiŋbe hugiŋeŋ hugiŋeŋ hiwoŋ yeŋ nurde hime. Fudinde wor po.

Mere funan

¹²Be, Sailas beŋen faran nurke asan dolfon mun po gago kayhem. Yeŋbe kolne yara wor po, biŋde mat fudinde Al Kurun niŋ meten ten hiyen. Be, asan ga kayhem gabe tareŋ dire yeŋ gago kayhem. Irde asan kan hime gabe Al Kurun beŋen fudinde buniŋen dirde iŋi iŋi dirde hi geb, goyen bebak dire yeŋbe gago kan hime. Niŋgeb mere dirhem gayen hende saŋiŋ po huwarde hinayiŋ.

¹³Be, Yesuyen alya bereya Babilon^c taunde gar han mar beŋen den ge dufay heŋ han goyen momoŋ yirayiŋ ninkeb gago momoŋ dirde hime. Al Kurun beŋen den basiŋa diriŋ gwahade po, mel gayen wor basiŋa yiriŋ. Be, Al Kurun diliŋde urne hitiŋ al, Mak wor den ge dufay heŋ hi geb, gago momoŋ dirde hime.

¹⁴Be, den han bana goyen dindikeŋ uliŋ kadom gargar gird ten hinayiŋ. Go mata gobe Al Kurun diliŋde wukken wor po.

Be, den Yesu Kristuya han marbe tumnan bitiŋ kamke iŋi po hiwoŋ yeŋ nurde hime. Gogo po.

^c 5:13 Babilon taun gobe Rom taun niŋ yitiŋ.